

有正味齋詩集

有正味齋詩集卷十三目錄

錢塘、吳錫麒、聖微

韓江集

姑蘇道中四首

梁溪雨泊

曾賓谷都轉招遊湖上

蠶豆二首

題顏運生

崇業明府聽泉圖

大學士章佳文成公挽詩四首

集翁羽齋同賦園蔬五首

茭白

豇豆

瓠

茄

冬瓜

題陳師竹夢遊圖

曉過蓮性寺

康山草堂聽姚生彈琵琶歌同曾賓谷陳理堂黃相圃

蔣師退詹石琴胡香海張又錢少年何豈匏錦徐朗

齋家蘭雪作

瓜洲登大觀樓二首

題黃陶庵先生手跡并序

八月十八日謝蘇潭万伯啟昆祀秋濤宮禮畢招同人

樓上看潮小飲并送劉澄齋翰林錫五北上卽用方

伯原韻二首

松江晚泊

風信

秋江吟

游鐵佛寺

過九峯園訪家山尊孝廉

思雪用坡公霧豬泉祈雪韻同賓谷作

郭外探梅

大行太上皇帝升遐恭輓四章

題費錫浦中丞天津甘雨應祈圖

題沈鏡湖溪寒山採芝圖三首

伊墨卿刑部秉綬出守惠州道過維揚詩以送之

題魏春松官舫侍膳圖并序

秦瑯邪臺碑拓本顏運生屬題

哭羅兩峰三首

有感二首

聘鶴篇并序

贈張蓬樵二首

女兒酒歌同簷石琴黃責生和章俞聽夫因鑑郭蘭池

琦金手山學通蔣蔣山微蔚作

寓鶴篇并序

雨中過雷塘二首

王潔菴司馬珩招同人泛舟紅橋治具于桃花庵餞陳

古華太守還松江卽席同用金手山留別古華韻

江孟卿郎中

士相

招集爭香園再用前韻

余以事歸析與陳古華蔣蔣山金手山聯舟就道及過  
丹陽三君因訪徐惕庵比部

大樞

先之毘陵翌日余  
追及之飲于鹿枝山房酒後同遊東坡艤舟亭三用

前韻

夜泊望亭聞吳歌有感四疊前韻

舟中贈手山五疊前韻

送謝蘇潭前輩巡撫粵西二首

秦小峴廉訪

漢

招遊西溪二首

梅花嶺拜史閣部墓

題唐陶山明府

仲冕

蘭征集

吳管齋自四首

有正味齋詩集卷十三

錢塘 吳錫麒 聖徵

韓江集

姑蘇道中四首

聽唱江南曲風波赴客程白蘋三月暮紫草一陂晴吾道寧謀  
食勞生感述征臨流休照影素髮易心驚

迴接平波外空明直到天風遲移席正烟暖卸山偏犢子枯椿  
繫柴門破網懸邨邨催布穀莫漫枕鉏眠

一港沿緣人荒荒路欲迷不離雲左右頻繞崦東西大護寒蘿  
吠禽穿怪竹啼桃花如有待絕勝武陵谿

片月雲端上流輝忽滿邨漁炊香白粲吳語絮黃昏夢寐悲歧  
路泥塗辱爪痕清鐘山寺發夜半警羈魂



梁溪雨泊

易得逢春雨旋催繫晚船溪流渾欲漲暝色不知煙作客悲今日懷人夢隔年在山泉最好茗酌待流連

曾賓谷都轉

煥

招遊湖上

清氣今朝滿薜蘿鷗鳬如逐使君過冶春未換詩人局明月先催水調歌畫許臥遊搖艇入山容平視隔江多歐蘇一例同民樂莫負東風避綺羅

蠶豆二首

評量蔬料稱山臞晚筍初櫻與爾俱畫本幾花宜水墨詩人一味足風爐剝經纖手香于繭漉過微湯碧似珠不是太常齋日慣腥羶也合罷行廚

翠莢離離老夕暉吳蠶眠過故園違罷縑舍北人誰餉得種山

南我便歸配有邨醪清更有撓來田飯綠能肥一棚最憶蛾眉  
樣立徧西風露滿木

扁豆一名蛾眉豆

題顏運生明府

崇樂

聽泉圖

泊然神畢靜傾耳在前岑翠雨落於頂石絃清到心半空回鶴  
夢一席洗松陰浩浩風雷助蛟龍起蜚吟

大學士章佳文成公挽詩四首

中白夜半圻星精靈璫秋寒薄海驚無日逍遙容綠野此身關  
繫在蒼生立朝儼若神明接說士甘如肺腑傾一掬西州門  
外淚故應知已不勝情

相業艱難百戰中鷹揚元老幾人同兒童一口稱君實福命千  
秋替令公蹴鞠軍前皆紀律櫟韃帳下亦英雄易名如見臣心  
事誠意陽明與較功

纔回北轍又南轅到處甘棠接蔭繁出塞歌豪吹角和摩厘字  
大帶雲捫英姿褒鄂三圖閣世業韋平再授孫底事王封誇異  
姓祁連高冢幾黃昏  
招延東閣荷恩私煥講常逢退食遲吳語不嫌談劇後丙茵常  
恕醉歐時江湖回首悲何極戎馬驚心事正危祖德也知難盡  
述但期忠孝兩無虧

集翁羽齋同賦園蔬五首

茭白

天然替筍後亦擅菰筍名星星萍點開采采踏浪行青青兩頭  
束壓擔葉有聲頻年引歸夢不待秋風生南湖一畝田梅雨十  
日晴香茅屋須葺臥聽茭雞鳴

豇豆

裊裊沿竹梢斑斑絡棚底野人成把縛初出風露裏酸鹹一試  
之風趣亦云美田飯就風涼軟嚼稱饒齒平生食齋腸疎瘦頗  
類爾學書笑蛇蚓紆佩愧青紫

瓠

託根東吳中國園長柄挂枵然頗自負五石容不隘江湖期其  
濟跋涉吾已憊秋風甘澁落架漬涼雨敗但取出沽提莫更依  
樣畫殘楮半閑堂押角字如藁

茄

葉密棲晚蝶蒂長抱新蟬徐熙工小筆畫在斜陽邊荒塍復斷  
井何人灌清泉我羨蔡吳興獨種官齋前朝來下鹽鼓飽飫風  
與烟取贍樂今歲營嫁仍明年

冬瓜

落帆古堰畔繫榜江步餘抱甕人不來一痕枕沙虛誰知冬心  
託能使熱惱祛貧家謀旨蓄可脯亦可蒞願肄齊民術願補長  
桑書捫腹有餘飽疾不愁河魚

題陳師竹

是孫

夢遊圖

鸞鳳聞咫尺樓閣見分明雲舞有花態月流如水聲已知三島  
近不礙一橋橫直踏鯨魚去壑仙抗手迎  
人羨凌虛步吾欽有道顏酒風吹綠髮詩格老青山何日采芝  
往偶然催夢還塵緣拋不得惆悵畫圖間

曉過蓮性寺

莎徑引涼屨到門風氣清雲飄一磬入霞洗幾花明慢水忘喧  
寂閒僧謝送迎但來參淨旨熱惱末由生

康山草堂聽姚生彈琵琶歌同曾賓谷陳理堂燮黃相

園蔣師退詹石琴胡香海

森

張又錢

彭年

何豈匏

鈞

徐

閨齋

嵩

家蘭雪

嵩

作

此堂自昔賓客多此堂慣聽琵琶歌三百年前武功佳豈意載  
酒今朝過是日無雲火輪熱那得炎天飛白雪微涼暗激檀槽  
生漸有陰蟲吟切切素桐之木三尺修腹中滿貯人間秋破空  
尖下冰雹碎出塞亂撒風沙愁官商拉雜當筵奏疑是康家弦  
索舊平生恩怨訴分明慘淡聞呼對山救繁音入破林壑哀腰  
鼓百副喧如雷蕭蕭豪氣被草木好風如送先生來滿堂坐客  
更衣起默默無聲心似水豈是今人愛古人讓與青山名不死  
卽今關隴賊未平請君換唱從軍行銀河倒挽洗甲兵將軍凱  
樂大宴成曲終一吸三百觥大笑文士徒虛名醉魂欲挾鐵騎  
去霹靂手拓弓弦鳴

瓜洲登大觀樓二首

振衣臨百尺，獨自賦登樓。  
草木三山接，風烟六代收。  
峭帆爭空闊，落日與淹留。  
倒影蒼茫入，魚龍在上頭。  
天塹由來險，千秋事已過。  
江山洗兵馬，舟楫定風波。  
豈有登臨感，徒傷鬢髮皤。  
禪樓招隱近，夢寐託烟蘿。

題黃陶庵先生手跡

并序

此先生丙子赴應天鄉試所作也。是歲仍失解歸，詩中有擊楫知誰是，洪濤日夜聲。平生出處意思，與曩賢盟之句，其志可見矣。

斯人能不死，當日尙諸生。  
遙憶吟詩處，如聞擊楫聲。  
中原甘盜賊，大節殉科名。  
莽莽山川在，回頭碧草橫。

八月十八日謝蘇潭方伯

敬昆

祀秋濤宮禮畢招同人

樓上看潮小飲并送劉澄齋翰林

錫五

北上卽用方伯

原韻二首

蓬萊一老領仙班樓閣真同島嶼攀  
小海迎神雙節下大江對面萬山環  
水犀強弩蒼茫外白馬洪濤想像間  
我豈祠官襄祀事亦叨飲福昨先頒

置身俄在雪山巔爭得豪情狎水仙  
浩蕩儘觀鷗鳥跡別離仍望鯉魚箋

鯉魚箋

曹和章

雄驅文陣蟠胸底涼送秋心到酒邊  
後夜相思應有夢潮平月落一江圓

松江晚泊

羣峰觺觺澹斜暉遠引輕帆渡口歸  
鷗鷺舊盟千里闊蓴鱸秋水一江肥  
幾人大隱留雲壑此地高名重布衣  
內史村邊屢回首愁聽唳鶴破烟飛



風信

關河落木漸蕭森日暮登樓感不禁  
警雁一霜寒楚澤和蛩千杵響吳砧  
儲胥道路方辛苦烽火江山太阻深  
幾字相思懷袖裏祇應鄭重故人心

秋江吟

昔歌春江曲今唱秋江吟本同一江水  
蕭瑟愁人心憶君三月去飛花復飛絮  
日夕西風生鱸魚催下箸昨夜夢尋君  
飛渡瀟湘雲瀟湘人不見兩岬猿聲聞  
淒淒不能已江上波旋起一片峭帆來  
搖曳蒼茫裏玉管與金絲微聞勸酒卮  
一催木葉落再喚銀河低不愁絃柱促  
但怕天雞續千里洞房深寒縮秋燈綠  
蘆花易白頭獨自守沙洲可憐鶯鶯侶  
爭逐暮潮流水流終有會衣結難忘帶  
消息望書通鴈已青山外逡巡復逡巡  
風雨歇

前津芙蓉何處采還問涉江人

游鐵佛寺

寺在楊行  
相故宅

三十六英雄蟲沙轉眼中劫灰寒八地鈴語急飛空閱歷徒華  
屋莊嚴尙梵宮黑雲吹不到鴉陣各西東

過九峰園訪家山尊孝廉

愛汝讀書處衝寒不厭過脫陰辭短晷凍浦約微波歲晚憐羈  
旅交深仗切磋爐灰談屢陷起與撥陰何

思雪用坡公露諸果祈雪韻同賓谷作

高隴生埃龜坼腹雨少還防雪不足不愁今歲無衣寒最怕明  
年無麥哭在野惟知望彼蒼此憂那不關當袖連朝叵耐風掀  
茅積煖翻愁霜殺菽使君苦念三白遲使君先凋雙髻綠山川  
祈禱用圭璧甘爲蒼生再三讀誠感有如刀決泉玉龍衙衙出

重淵雲頭慘黑日影瘦半空欲放楊花顛頗聞巴蜀飛書急戍  
卒年年荷戈泣鵝鴨聲中快洗兵歸耕大好逢春及飛雲先遣  
送奇瑞宿液重煩醒羣蟄北斗天思酌酒漿東甯人喜添臺在  
重來說餅定忘疲軟嚼不用湯澆匙

郭外探梅

乍覺林香動先催鳥語頻雪痕纔欲霽烟意已能春近水停詩  
般衝寒過酒人園亭宜有主命民幾時親

大行太上皇帝升遐恭輓四章

鶴語堯年雪鳥號軒帝弓

仁恩周甲永痛哭普天同事業兼因創精神貫始終拓疆千萬  
里咸頌

十全功

維

聖包無外如天覆不私直教三代共不使一民飢  
宵旰勤何釋痼瘡隱獨知每聞  
寬大詔父老其咨嗟

濟美

勲華盛欽哉紀丙辰老臣襄

授受

大禮極尊親

精一傳心語

元良繼體人

在天靈精慰黜陟已如神

蓬苑叨

殊遇回翔得自如遊曾偶鵝鷺歸許狎樵漁碎首情何補攀髯  
路亦虛矢音留草在珍重紀  
恩餘

題費筠浦中丞甘雨應祈圖

溟墨亂捲雲冥冥落筆暗送風泠泠開圖足使旱魃走早有雨  
氣生窓標此雨乃出中丞賜此雨實感天公靈蜥蜴不呼鵝不  
刑精誠念念通天庭飛符頃刻驅六丁阿香下喚癡龍醒太湖  
捲起波濤腥作勢直欲移滄溟但令甦民氣不惜勞公形朝衫  
濕帶靈雨零轉眼禾黍同一青豈無玉壺賞茅屋亦有蓑袂眠  
漁舫江南江北萬萬戶歡聲可向圖中聽飯釜急須備桔槔從  
此停坡公昔者名其亭歸功我公公勿寧所願民無天札田無  
螟洗兵更勒燕然銘北時千倉萬箱蓋藏足豐年作頌陳朝廷

我於草野請敬聆

題沈鏡湖

潘

寒山採芝圖三首

眉宇看君道氣濃和雲踏遍碧芙蓉  
靈苗自在龍耕處只認金光一路松

莫誇瑤草當朝餐路到崎嶇採亦難  
石鼎雲封山雪大仙人十日耐清寒

爭得揚州鶴可騎畫圖空有故山思  
何如夢裏東坡老一味雞蘇軟嚼時

伊墨卿刑部

秉綬

出守惠州道過維揚詩以送之

五馬初聞出建章前旌已報到維揚  
豈貪飽喫東坡飯要去添栽南國棠我

后經綸奮雷雨一時守牧策龔黃  
政成好附梅花使濃墨親題

寄草堂

題魏春松官舫侍膳圖

并序

春松於嘉慶元年從詔使讞獄維揚既竣事適太公秋浦先生自杭來得以上壽稱觴爲一時樂事既而王程敦迫匆促還京殊戀戀也越三年春松復來典郡始得迎養太公于署中晨夕承歡其樂有甚於曩日者暇出所畫官舫侍膳圖索題因爲誌其遭遇之榮而春松之當思所以報

朝廷之恩以慰老人之志者何如耶既賦是詩并題數語于首綠楊城郭春風吹使臣昔賦四牡詩藕花六月蕪城地太守新馳五馬至官舫稱觴別幾年老人腰脚健於前二分月在清江上依舊來尋上壽筵開圖風景從頭憶尙惜滿帆留不得一片離心侍膳時杯中蕩作涼波色當年不慕陸賈裝于今但羨君

游囊江魚只恐無錢買堂上翻虛甘旨嘗古人養親能養志官  
貧且作萊衣戲此生無愧忠孝身後世稱爲清白吏津頭百丈  
聲喧呼乘傳何人似此圖甘棠各路陰成處認得前程邵伯湖

秦瑯邪臺碑拓本顏運生屬題

一牢東祀齊瑯邪樂哉三月留翠華高臺突兀紀功德臣斯之  
箕詞何誇上農除未富黔首同文齊軌鋤姦邪澤周牛馬各受  
德南盡北戶西流沙琢磨石骨鬱烟霧舒卷海氣蟠龍蛇想當  
立碑峙雲表欲萬萬世長撐挐天風東來捲波綠倒陷石壁迴  
金鴉蓬萊縹緲望不到徐福一去歸無家仙人不語山鬼語祖  
龍竟返輻輳車臺空遺跡蝕鳳雨幾人別薜蘿重梳爬竹素山房  
不收入字形莫辨毫釐差之杲刻石亦此例苛論未敢同揄擲  
卽如此拓意渾古洪鍾強弩褒非夸

唐李嗣真云斯小篆之精古今妙絕如秦  
峯諸山及皇帝王昭猶于鈞強弩萬古洪



臨摹光怪逼眼底失笑十指同薑芽泰山沒字殊自好免使  
伸紙生咨嗟

哭羅兩峰三首

論交二十載南北合還分豈意帆歸里俄驚雁去羣酒杯拋昨  
日世事畢秋雲夢裏能相見休教落葉聞

相國閣中會年年賦海棠

夢覺相國閣海棠草主海棠最盛每歲花時必招集其下

青山猶未買綠野

已全荒知己今誰是斯人又永傷聊憑無賴月舊事一思量  
狂吟談詩口豪揮賣畫錢一龕依古佛隻眼看青天海外名尤  
重門中藝並傳梅花三百樹應結後身緣

有感二首

高蓋秋荷熱儀鸞衆螭鬚危身因象齒託世只牛毛寂寞甘吾  
輩聰明誤若曹後人增太息卽事眷微勞

威福寧容竊 朝廷自有權  
不防籌筆驛 盡耗度支錢  
實蒐匄補民生困 可憐翻勞

恭儉主頭勉策安全

聘鶴篇 有序

陳古華太守家畜雌鶴一因來揚州於賓谷都轉題襟館中擇  
其一牡有請以爲配主人笑曰吾今爲鶴聘婦矣遂邀同人作  
聘鶴篇

華亭之鶴騎不來揚州之鶴載欲回足經月老紅繩繫粧待仙  
人綵筆催陳侯舊擅清名久有鶴惟留一琴耦江湖幾日憶羈  
雌物色今朝到羣牡秋生東閣月華明一語如堅秦晉盟孔雀  
屏前分燭戲鳳皇臺上起簫聲簫聲燭影遲清唳銜戢如無主  
人惠故侶猶教守朱株高軒特許稱齊贅橫江東去西風便羽

衣縞袂以翩翩堪陪閨苑三千客不費銀河一萬錢那無鳩婦  
林中歎那無雁壻天涯慣爭教兒女卜青鸞亦有郎君嘲碧鷁  
三珠樹好幸相依此地年年有夢歸客與主人同汝壽我來腰  
筇奏南飛

贈張蓮樵問萊二首

得見張公子頻聞論慨慷時方重經濟氣已溢文章巴蜀辭軍  
戍江湖入壻鄉午橋莊賸在喬木鬱蒼涼  
伯仲西南北天涯各酒杯感秋重聽雁落日罷登臺老我成衰  
鬢憐君亦霸才夢中關塞近踏破亂雲回

女兒酒歌同詹石琴黃賁生和章俞聽夫同鑑郭蘭池

琦金手山

學蓮

蔣蔣山

徵廟作

作

越州女兒顏如花越州之酒濃如霞女兒未嫁酒先熟不知道

嫁當誰家門前若耶溪水綠溪上栽花多繞屋歲歲開花得幾  
回年年釀水須千斛一朝買紅纒酒缸平頭奴子肩羊腔斟來  
鸚鵡杯還兩暈向芙蓉臉亦雙女兒顏色花能替照入酒卮花  
更麗市上惟爭姹女錢壚頭那管相如婿垂楊三月青旗橫飛  
絮飛花吹滿城一片迷離春莫辨人間傳遍女兒名我來問渡  
西興口名士惟貪過江酒醉看滿眼越山多可似女兒丫髻否

寓鶴篇

并序

桂壘太守自揚州載鶴回仍留吳縣唐陶山明府

仲冕

署中無

錫華某爲繪寓鶴圖屬余復作寓鶴篇以紀其事

往時此鶴爲贅壻今者此鶴爲寓公雲水不無感寥落雌雄胡  
乃分西東陳侯大笑身本寄爾亦何須嘆留滯翱翔難望雲中  
君羈棲且閱人間世主久居官清且賢芭蕉萬葉廳事偏主人

高吟爾能舞主人退食爾自眠秋風無聲露微滴一夢蓬山健  
雙翮醒來斗柄插簷端倒瀉琴牀月華白玉宇瓊樓夜未闌莫  
疑謫墮欲歸難且憑主客圖中賞曾作神仙眷屬看神仙指日  
前緣續迎爾高軒來不速乾侯詎應鸚鵡謠故仲終諧鳳皇卜  
華亭此去接吳波賁廡能容幾載過但得因緣成就汝聲聲應  
唱感恩多

雨中過雷塘二首

寂寞荒溝細水流獨行吟到書中秋不堪殘柳絲絲外猶有青  
旗舊酒樓

鐘聲遠寺隔蒼茫滅沒寒蕪一徑荒落葉也隨人意遠秋風秋  
雨過雷塘

王潔尊司馬

明

招同人

泛舟紅橋治具於桃花庵餞陳

古華太守還松江卽席同用金手山留別古華韻

青銅照我非少年萬事過眼如雲烟揚州之夢亦偶耳隨風吹  
落紅橋船搖搖人影玻璃天荷葉更比荷花妍中間魚戲不知  
處葉東涼直通西邊茅庵水次到尤熟早有衲子迎門前桃花  
看過三十載一悟豈要文字傳世緣但恨解脫晚旅髻空受沙  
鷗隣江天茫茫江月白送客請罷琵琶絃爲君高唱歸朝篇那  
容嬾散稱神仙魏生風味如可戀乞郡惟當乞酒泉

江孟卿郎中

士相

招集淨香園再用前韻

樓臺金碧思昔年喬木已自生蒼烟荒波一道側槩入撥開菱  
葉來停船鷺鷥遊客飛上天涼雪點破秋容妍蜀岡仰睇我曾  
到過江山色齊欄邊讓君跋馬去高頂舊事細訪千年前  
時陳古華以卜

紫雲新遊平山  
堂薄暮始返

夕陽真真影倒落松聲并作吟聲傳折花行酒前倒

在美人不見徒生憐奚囊收拾新句好幸有山水忘管絃歸來  
勸我酬新篇夏摩頑骨苦不仙願與主人同一斗渴懷有似驥  
奔泉

余以事歸杭與陳古華蔣蔣山金手山聯舟就道及過  
丹陽三君因訪徐惕菴比部大梧先之毘陵翌日余追  
及之飲於鹿枝山房酒後同遊東坡艤舟亭三用前韻  
水程秋夜如小年擁衾燒短蠟燭烟故人分我清夢去片帆自  
卸毘陵船銀河將曉未曉天牽牛籬落花搖妍相違一水逢亦  
易君在鷺側吾鷗邊著鞭久已甘祖後快意何必爭盧前三升  
清酒幸我待千秋好句終誰傳不見東坡繫榜處至今草木人  
皆憐大江東去高唱在豪氣拉雜生銅絃論文但論海外篇學  
仙當學玉局仙扁舟今夜慧山道從公濯髮吟風泉

夜泊望亭聞吳歌有感四疊前韻

一歌白紵三千年蘇臺麋鹿游寒烟徒教清響警客夢僧鐘吹  
落寒山船今夕何夕星滿天模糊鬢髻羣山妍美人魂魄疑未  
死子夜唱出秋墳邊啞啞鴈歌雁叫後閃閃燈暗猿號前征夫  
惆悵菱婦泣尚有幽怨當時傳竹枝頗訝巴峽聽水調足動吳  
兒憐篷窗暗蕩秋氣入淒楚似夏箏琵琶絃我有廿四離騷篇能  
和伯牙彈水仙折楊皇琴亦何取終當洗耳山中泉

舟中贈手山五疊前韻

憶昔別子長安年垂楊踈地搖新烟三秋不見見恨晚襖被喜  
共西風船西風九月蟬稻天景物最數江南妍船頭祈鱗船尾  
醉與子同夢蘆花邊子才未可千里限驥驥欲度驪駒前白眼  
或遭俗士謾綠髮豈受旁人憐探囊搜出肝肺語已聞日下先



流傳江湖偶然著此士終要清廟彈朱絃明年詔奏凌雲篇  
班生此行如登仙國家有道恥貧賤出山知勝在山泉

送謝蘇潭前輩巡撫粵西二首

中丞

寵詔荷新頒福曜看移桂管閒黃菊香尤爭晚節蒼生命早繫  
東山園題後樂垂千古詩走先聲壓百蠻不待船裝鬱林石今  
番預要載書還

夢醒揚州歸思生恰來江上送行旌頻年只覺春風熱此去常  
留湖水清騎鶴遊應嗤我悞驂鸞錄豈待公成

君王左右需賢急及早綸扉輔太平

秦小峴廉訪

瀛

招遊西溪二首

秋響落天際櫓聲如荅之不知行曲折祇覺境迷離日上峰頭

早雪過竹裏遲人家雞犬放可解樂茅茨

颯然起寒色吹我蘆花風時誤渚禽白易明楓葉紅詩清流  
外僧老閉門中負負慚初約頭顱雪已同

梅花嶺拜史閣部墓

風雨如聞轉戰急精靈閃爍宵碑立嶺路斜通下馬尋墓門側  
掩披蘿入閣部衣冠此地埋一坏碧葬最堪哀莫疑兵解平原  
去原是前身信國來當時出撫淮揚地羣盜紛紛趨鳳泗大樹  
聲名馮異呼長城氣勢英公倚毳教談笑領戎旂叱咤風雷聞  
外專定可尅期除大憝豈容飛矢射承天一朝事去金甌裂眼  
見京師遭喋血椒殿戶橫慘可知鼎湖髯墜嗟安說辛苦麻鞋  
何處奔忽傳南渡共承恩龜茲自限朝廷小龍種居然帝子尊  
偏安本是貪休暇流涕上書聽者怕誰能擊楫誓中流誰念渡

河呼半夜處堂燕雀共啾啾當軸猖狂阮馬儔一載紅羊餘壞  
劫千秋白馬禍清流東林報復讐爭搆密網生逃大悲呪把臂  
應無周幼平同心尙有黃公覆分關蒼黃拜表行登壇旗鼓氣  
縱橫招賢特啟公孫館撫士如歸趙郡營驄蹄那不思馳逐蝸  
角豈知終局促臣子徒吟正氣歌君王偏唱無愁曲太平風景  
滿朝歡諧價西園盡得官竈下爛羊新應敕帳前青犢舊登壇  
昨聞中使良家選玉兒金鋪開別院燕子朝陳狎客箋桃花夜  
擁歌姬扇警報牀頭醉不知荒迷只自逐兒嬉徒誇鐵鎖橫江  
計會見銅駝埋棘時艱難獨仗嬰城守落日蕪城狐兔走運去  
難留豪傑心權分共掣英雄肘蜀岡礮火徹雲端百死寧消一  
寸丹苦語椎心慈母遠遺言埋骨孝陵難寒原莽莽沙沈鐵野  
火青燐互明滅慘淡雲黃自裹尸迷離草碧誰收血左率弓刀

想像存梅花嶺上記招魂蛟螭勁氣千枝鐵冰雪寒吞萬樹痕  
新祠

昭代隆恩沐遺墨巡廊我重讀正論何須却聘書孤懷早入  
褒忠錄臨淮第宅幾人留珍重前朝土一邱牆有二分明月照  
感人翠羽話啁啾

題唐陶山明府蘭征集

轉餉嚴馳檄吟詩健據鞍卽教增閱歷那不痛艱難大將威方  
重蒼生淚未乾杜陵心事在紙上莫輕看

哭管齋曰四首

秋髣髴如此重教哭故人餘生留幸草一死謝勞薪苦坐酒星  
渴況逢詩國貧受辛應自笑畢竟爲誰辛

齊瑟凝塵滿千秋誤國工一瓢風樹外雙屐畫山中不遇真令

瘦何方問已聾但爲天下士談笑自生風

黃金曾結客白璧祇投泥往事飄春夢勞生病夏畦此懷原慷慨所往有提攜高義今成古沾巾賸涕洟

強作儒官出飢來欲問天浩歌消白日垂老殉青氈哭子詩猶在招魂賦孰傳雞鳴風又雨地下更凄然

行正味齋詩集卷十四目錄

錢塘 吳錫麒 聖徵

槐市集

淮上晤冶亭漕帥鐵保賦贈

曉行值大風

宿遷項王故里

景州謁董子祠

新城

題宋晝院供奉劉益梅竹山雉圖用少陵楊監又出畫

鷹十二扇詩韻

題家子華水部文桂豐樂溪圖四首

胡蕙篴明府遜古墨齋詩并序

禮烈親王克勤馬圖

并序

錢蔣石侍郎爲曹慕堂宗丞畫古中盤五松圖乃乙未

春盤山廬

蹕時作也宗丞令嗣定軒侍御

錫齡鏡

源農部

祝齡

出以屬題爲賦三絕

驛柳四首次張船山檢討韻

題李載園明府濮陽策蹇圖

并序

七月七日汪靜厓庶子

學金

招集萬齋同效樂府體分

咏七夕故事得鵲橋

送何蘭士侍御

道生

出守九江

錢南園副使

澧

畫馬法時帆屬題

九月三日孫一泉孝廉

仲清

招同人遊西山

奉福寺飯畢遂上羅喉嶺

暮抵潭柘寺宿

姚少師庵

由潭柘寺後二里抵龍潭

晚坐延清閣望對面諸山

妙嚴公主禮佛輓三首

由師子巖歷十八盤至慧聚寺

化陽洞

還至戒壇登千佛閣望塞上諸山

戒壇古松歌

度花梨坎至奉福寺宿

歷遊三山大悲諸刹

由香界寺探寶珠洞



夜宿龍泉寺

山中夜話

盧師山尋秘魔崖

摩訶菴

題唐子畏畫像

食菊花餅同味辛作

集亦有生齋分賦飲中八仙得李白

十二月十九日坡公生辰集汪靜厓芥室同用公集中

東坡八首韻

胡水部永煥自號雪蕉因得元人雪蕉一幅卽代寫照

屬余賦詩三首

題趙味辛尋山卜築圖

初拜國子監祭酒釋菜太學作二首

瑛夢禪寶畫山雨飲水風滿樓詩意吉止齋閣學綸銘

題

分龍行五月二十日雨後集胡夢湘比部稷齋中作

買春吟屋消夏咏繪爭得董羽出水龍圖

漢宮圖集謝薌泉儀部振定知耻齋作

積雨三十六韻

六月十二日黃文節公生辰家山尊招集藤花吟舍瞻  
禮遺像會者二十四人用公集中六言絕句一首分

韻賦詩余得俊字

八月二十四日疏請養母得

旨予歸紀

恩二首

石門道中

味莊觀察招集梅花書屋看黃梅花二首

有正味齋詩集卷十四

錢塘 吳錫麒 聖徵

槐市集

淮上晤冶亭漕帥鐵保賦贈

春風鼓角臨淮樓樓下拍天春水流使君新來領漕事影照春  
水心如秋威名颯颯驚草木官吏各有燃犀愁朝廷正供自有  
數所病額外多誅求酒漿未已簸揚急南箕北斗何時休留侯  
善爲根本計此箸不借他人籌泰山之雲出爲雨足紓我

后東南憂千帆坐閱若無事談笑欲狎波中鷗得君數輩理軍  
國何用巴蜀勞戈矛卽今休兵罷轉餉正要赤子瘡痍喜聞  
召杜已擢用早晚傳播與人謳惜君荆樹被摧折四海知已無  
子由謂本弟開虛堂燈火託夢寐我亦憶遠心如抽悲歡各自雜

謂本弟開

虛堂燈火託夢寐我亦憶遠心如抽悲歡各自雜

懷抱欲語恨不終宵留太倉濫竊吾豈敢兼敢待我歸來舟

曉行值大風

空樹響逾勁大星吹欲低春風最無賴客路況淒迷店遠飄燈影沙危陷馬蹄深闌寧解苦猶要夢遶西

宿遷項王故里

招魂何日返江東百二關河悵望中澤畔尙愁田父語樹頭如響大王風計遠玉玦嗟奚及運歇金刀感亦同本紀一篇垂史筆莫疑成敗論英雄

景州謁董子祠

暮色荒祠月照藤披帷如見讀書燈純儒學信天人貫偏霸功羞堯舜稱英主求賢身不偶驕王折節道堪憑式閭猶動行人敬豈獨當年下馬陵

新城

滹沱河畔數行程五載重來眼倍明  
春水野塘花鴨煖夕陽高隴紙鳶晴  
人喧魚米墟纔散縣樂絃歌政已成  
笑我也如仁恕掾愛聽民說長官清

題宋畫院供奉劉益梅竹山雉圖用少陵楊監又出畫  
鷹十二扇詩韻

宛爾毛衣張文采矜異樣凝神視之久  
又若介士狀風塵日瀕洞安知意所向  
要其健鬪姿可敵中原將龍沙夢不還  
扇影謝天仗粉墨寫何年梅花春始王  
雌雄各自閒詎感風雷壯劉侯老供奉  
花石令心悵游戲託神霄飛鳴羨丹嶂  
離之絹素間意氣乃道上

題家子華水部文杜豐樂溪圖四首

豐溪之水雲門來溪上桃花萬樹栽夕陽紅過隔溪去無數白雲攔不回

織槿編茅田有廬傍溪幾世樂同居夜來燈火相照處婦治絲麻兒讀書

絡頭韋索一牛耕翠色郊原雨乍晴田水不求人領會法法只自在山清

漬遍蒼苔壞壁昏百年泥爪尙留痕幽人日暮遠相訪鐘磬不聞僧閉門

仁義院在溪上石吳道中約千五里

胡荊麓明府

遜

古墨齋詩

并序

古墨齋者在宛平縣廳事之右明萬厯間邑令李于美蔭創樓今邑令胡君荊麓重建者也其稱古墨者以置李北海所書雲麾將軍殘碑故名按北海書雲麾將軍碑有三一在關中一在

楚中一在良鄉在良鄉者姓李氏名秀字元秀幽州人卒於開  
元四年葬范陽福祿鄉今良鄉爲唐固節縣屬范陽郡正其地  
也碑舊在縣學後爲校官毀爲柱礎旋復更去委之瓦礫中有  
粵人邵正魁閩人董鳳元者在經其地蹤跡得之以語李令輦  
致署中凡得六礎共存百八十餘字建古墨齋邀致名流賦詩  
紀事其始末具載黎瑤石民表所撰古墨齋記中後少京兆王  
惟儉復攜四礎之大梁殘破之餘更遭分析於是僅存二礎可  
辨者纔數十字矣武進胡君蕙麓來宰是邑篤志好古將謀重  
勒以還舊觀適翁覃溪前輩於吳門借得董文敏所藏宋拓殘  
本凡三百二十八字蓋猶在未作礎以前者爲摹一通俾之上  
石工旣竣并葺是齋仿李侯故事邀余及諸同人作詩以落成  
之



海南一記舊曾聞今日齋成例策勲好事特傳新令尹殘碑能  
識故將軍衙前打鼓花如錦屋裏論詩墨化雲爲政風流原合  
爾瓣香只待後人薰

禮烈親王克勒馬圖歌

并序

王爲

太祖第二子常 國家開創時凡征葉赫烏拉諸部及薩爾滸  
之戰王之功最著所乘克勒馬姿狀偉異腹下有旋毛如鱗甲  
然蓋龍種也常時不受羈勒聞鼓鼙聲輒奮迅欲往惟圉人命  
王甚愛之征伐多藉其力及王薨馬亦死順治間編修汪琬曾  
爲作傳今王裔孫汲修主人復屬張船山檢討仿宋摹唐本昭  
陵六馬中特勒驃者爲之圖而命其客劉瑞來徵余詩因作此  
歌克勒馬者滄漢言棗騮馬也

翻空蹴踏塵沙外萬里風雲開際會妙手傳摹骨相奇全身收  
束精神大本朝開國佐者王披堅陷銳勇莫當威弧要指天  
狼落樂府先歌臣馬良爾雲不是人間覩天降房精定諸部干  
秋氣奪特勒驃一戰功收薩爾濟鐵蹄撒地聲如雷二十萬兵  
同日摧風生鱗甲誰爭捷電捲蟲沙亦可哀歸來戰血渾身浴  
聽到鼓鼙還奮足最愁都護絡頭絲但熟蘭陵人陣曲寒嘶暗  
激山頂松夕陽聖水留遺蹤草頭過影真如鳥雲裏迴身定是  
龍一心慷慨酬知己與王成功殉王死廐內片材那足憐古來  
烈士多如此我讀汪傳惜少圖卽今有圖馬則無驅除狐兔須  
憑爾莫但龍媒紙上呼

錢韓石侍耶爲曹慕堂宗丞畫古中盤五松圖乃乙未  
春盤山扈

蹕時作也宗丞令嗣定軒侍御錫齡鏡源

農部祝辭出以屬題爲賦三絕

若有人兮盤之中臥而散髮青濛濛與誰同話山中雪老鶴已歸雲海東

里宏韋偃祇傳聞一卷重開對夕暉蕩蕩青大捫不得聽成風雨看成雲

坐石扶藤記夙因青山猶望屬車塵根頭怕有風泉咽我亦先皇侍從臣

驛柳四首次張船山檢討韻

山郵陰過水郵晴仗雨天涯管送迎春色半江迷客夢西風一路走邊聲慣眠沙磧渾忘歲纔傍人家已近城推上梢頭舊明月黃昏猶認漢時營

記別江潭絮點衣道人今又碧成圍長條似汝終昉折短髮如

余尙未歸揩痒儘教疲馬緊投閒爭得亂鴉飛登樓最怕迷離  
甚王粲於今孰可依

簫聲何止感山陽相對風流總異鄉亭埃離披鶯坐雨關河搖  
落鴈呼霜玉蛾空自攢離恨金縷何曾試舞場春蚓秋蛇人不  
識壁間題遍萬千行

直自揚州接汴州籠煙籠雨更籠愁折腰情態羞津吏過眼輪  
蹄認故侯無限消魂綠曉色不堪照影向河流邊笳戍角干何  
事譜入新詩一例秋

題李載園明府濮陽策蹇圖

并序

乾隆丁卯春載園攝清豐令奉檄調濬長垣之陶北河兩閱月  
竣事歸值大雨車陷泥淖中自策蹇驢短衣草笠而返至堂上  
隸役爭呵止之不知其爲長官也一時傳爲佳話因繪爲圖屬

余題之

長官歸來人不識草屨青衫驢得得平生慣詠灞橋詩今日圖  
中乃見之高枝大葉挾風勢似有吟聲落天際館陶兩月趨治  
河功成所繫民命多泥塗辛苦亦踊躍身穩不愁驢失角落葉  
長安一夢逋醒來破帽猶故吾十年已老栽花手顧影瘦于新  
插柳不須奚童提錦囊胸中自有爲政章鱗鱗萬屋來眼底但  
見炊烟我亦喜策勲合署廬山公從渠馬耳吹東風

七月七日汪靜厓庶子

學金

招集寓齋同效樂府體分

詠七夕故事得鵲橋

東雲西雲錦脫杼鴛鴦無語鵲鵲語平生未識牛女星苦道今  
宵迎接汝啞啞拍翅飛半空紅牆隔處橋先通旌幢導引神仙  
步環珮飄零下界風綵虹易散天無際脈脈相思孰能替若使

河如海可填那惜將身化精衛鵲平鵲平歸來平天邊波浪無  
時無聘錢十萬償難盡多事年年尾畢連

送何蘭士侍御

道生

出守九江

使節歸來未卸裝

時新自山東巡撫回

又催擁傳向潯陽樓頭明月重招庾

江上青山舊姓匡一角觸邪餘繡豸十年樹木待甘棠尋詩此  
去官程緩不仗神風助馬當

錢南園副使

禮

畫馬法時帆屬題

拂拭蛛絲光采溢眞見騏驎壁間出風塵埋沒自何年諦視乃  
識錢侯筆錢侯立朝有直聲不以一藝尋常鳴沙苑滇池眼所  
熟偶然欲畫雄姿生睛如懸鈴耳批竹一匹歎沙一歎玉拳毛  
不動立春風寶勒金鞍謝羈束精神愈斂意自奇俯仰落落非  
求知畫肉畫骨等形耳古來有德人重之此材緩急差堪恃誰

遣丹青愁滿紙同槽蹄齧未須驚  
荻藜之銜吾懼矣詩龜慘淡  
雲烟開招魂仿佛錢侯來回頭夕照無顏色寂寞金臺骨已灰

九月三日孫一泉孝廉

仲清

招同人遊西山

山心日在抱人事苦膠轕拄笏延朝爽徘徊企天末西來秋色  
深愈碧烟一抹佳招出意外塵眼藉披豁禪棲層岫通樵路百  
梯逕斜陽上巖椒遠影落松栝嫋嫋涼風生淅淅白雲活平林  
葉漸脫高壠稻先割矯翅見飛禽往來就空闊行脚尙可能幽  
懷寄瓶鉢

奉福寺飯畢遂上羅睺嶺

一飯得真味蔬笋無世情山門如御風冷然衣袂輕  
篆路休仔細怪石攢崢嶸揩摩登高眼預趁今朝晴羣峰就夕陽蒸出嵐  
頭明和雲鐘響隆披草蟲語清夷險心並忘遠近態各呈珍重

兩芒屬願與謀平生無嫌石頭滑勉此第一程

暮抵潭柘寺宿

斜景在東嶺冥色生西偏荒荒草樹外裂此一綫天詭勢星緯  
逼變態雲霞連禪師具慧力捨宅龍公遷樓臺雄架構餘氣騰  
蜿蜒倚闌高不知平視鳥人烟游心太古上結想幽州先遺碑  
問僧徒但說明昌年鐘聲出殿裏微辨龍燈圓山深秋較寒怕  
枕流泉眠欲破米汁戒請質彌勒前

姚少師庵

勘破西來意神機運箭鋒相猶傳病虎識早決潛龍兵劫完天  
意禪局示佛容如聞女須晉泉語激淙淙

由潭柘寺後二里抵龍潭

樹密竹欲窮溪長路頻轉一徑青蘿深人家有吠犬淙淙覓泉



響上上儼雲棲綠繁苔髮細紅帶葉光沍元氣一脈通靈根萬  
支衍風水時相聲沙石互成篆力疲屢思憩亭影出高顯其下  
蟄龍眠烟冥寒不淺呼童松枝拾坐待談茶薜幽潺脚下流惜  
不接之筓

晚坐延清閣望對面諸山

薜蘿忽到眼秋影生裳衣羣山萬里來蒼莽烟合回微縈飛瀑  
明遠聽樵歌歸冥色起中谷返照彌依依取媚涼綠間不厭紅  
葉肥何時茅屋置得脫朝籍戰高詠招隱篇素志期勿違留雲  
竹中閣候月澗上扉蒲團坐忘言幽夢今宵飛

妙嚴公主禮佛輒三首

官粧卸却事精修一片陶甄跡留猶想花龕頂禮日滿林黃

曉發聲秋

名字不聞公主表生涯只傍梵王臺  
明明踏地蓮花涌證取前身鹿女來

讀書亦有張無垢石上雙趺跡儼存  
笑我只圖行脚快青山一路草鞋痕

由師子巖歷十八盤至慧聚寺

寒翠不知里磴道盤虛空人語暗相答  
冥踐松霧中遠近香氣生衣裳濕蒙蒙  
千尋峭壁合一徑初陽通清鐘乍來處  
微露殷角紅遺址溯遼金力挾龍象雄  
潑面礫石雨迎眸駭晴虹欲逞腰脚健  
來御巖間風谷聲殷地底鐸響聞天東

化陽洞

日從山中游遍識山面目煙蘿若怨人  
空洞餘此腹陽光一迴照鼓勇恐不速  
行行列炬導性命寄僮僕前人入漸深  
如向省

井目後者禮益恭匍匐儼蛇伏濤聲走蛟龍壑氣衝蝙蝠陰寒  
火無功綠閃一星縮縱橫苔裂縫捫作仙篆讀石乳漱可能行  
當此辟穀積雪深不知凍抱白雲宿

還至戒壇登千佛閣望塞上諸山

是身倏浮動透出松光寒樓臺接縹緲金碧飄雲端方袍解趺  
客其踏落葉殘莊嚴佛說戒肅穆神守壇旛幢風欲來妙香發  
旃檀高閣禮千佛蒼茫倚危欄斜陽明一綫遠色浮桑乾太行  
所來脈髮路青鬱盤回首居庸關往時戎馬艱邊聲起草木咫尺  
沙漫漫不緣歸鳥飛安知秋宇寬蟲沙彌浩劫天眼一瞬觀  
懷古意無盡流泉似微歎

戒壇古松歌

萬丈濤聲接天沸半空純作蛟龍氣樓臺倒攬入奇青白日陰

森食之既一株偃蓋撐瓏玲動搖骨節能通靈一株倚石就石  
勢怕耐高寒須石替作鱗之而貌更奇九龍氏乃太古時俯視  
萬樹皆孫枝我來謾謾坐受松風吹冷光下壓溼不知蒼槐罷  
喫欲去遲但見松格落落松毛毵毵銅筋鏤骨合一翠世無卑  
宏韋偃誰肖之碑稱寺創武德年至今千載無變遷此松定在  
未有此寺日養成一抹洪濛烟轉愁雷雨生虛殿深黑潛來鬼  
神戰洶洶迸起壑谷呼慘慘倏令毛髮變道人已打山下鐘對  
面明滅斜陽濃翻翻起舞下岷去芒角尙鬱詩人胸

度花梨坎至奉福寺宿

松杉影亂搖軟踏烟破碎屢逐徑東西幾忘山向背偶作已度  
想如入化城內掩映秋樹林丹黃變明晦山深淡嗜欲蔬筍客  
我輩幽泉階下出三嚙蘇病肺蒲團坐吟詩我佛笑相對

歷遊三山大悲諸刹

對面一峰立羣岫影四垂天色來遠青峭蒨發異姿烟霞迭迎  
送金碧時合離高閣嵌虛空俯受飛鳥窺泠泠鐘磬音竹柏如  
隔之尋徑穿窈窕一僧開戶遲涼花淨無言微動旛風吹石積  
梯有漸泉虛鑑無疲得證靜者心高詠邱阿詩何由地上語步  
步雲相隨

由香界寺探寶珠洞

清鐘若爲招不避路聲确到門杪樾陰亭午日忘卓禪宮稱巨  
構勢並霄漢擢青山壓殿脊倒畫雲一角上上及翠微林藿益  
綿邈呀然山腹張捫字半苔剝奇皴裂鬼面圓頂揭龜殼微聞  
石罅泉泠泠響水樂無待竹爐烹到耳醒塵渴題詩且緩吟恐  
有羣蟄覺

夜宿龍泉寺

新月一眉生秋樹萬花眩清艷不可名薄暝弄奇變仰眺翠微  
頂雲氣出如練其下響流泉濺沫急飛箭清寒撲衣冷抖擻入  
西殿龕燈耿餘明照見古佛面幽夢落繩牀來途歷重遍習此  
巖壑佳彌動禽向羨坐欲松根依宿比桑下戀

山中夜話

人生能幾度山裏聚朋歡月到助松色泉鳴生酒寒快心誇閱  
歷爾足信艱難喚起蛟龍睡題詩更倚欄

盧師山尋秘魔崖

羣峰雲合杳一徑沿陂陀虛無浮履舄踏石如踏波言登盧師  
山直躡禪子窩開窗納遠青石骨交錯磨自從阿師去人世幾  
刹那蜿蜒一龍于千年蟄靈洞精氣所發洩雙柏蟠蚪柯蒼然

隱巉巖勢若負荷荷幽怪秘泉石雷雨生藤蘿平生烟霞約何時慰盤阿不愁山鬼戲但懼林神訶

摩訶菴

猶是維摩舊道場飄蕭金碧墮蒼茫野花幾種媚遊客寒葉一畦荒夕陽壁上烟雲前輩少國初諸老多有摩訶菴題花詩堂中粥飯老僧忙首邱肯讓貂璫占不負當年懺法王

題唐子畏畫像

一卷離騷讀能無放廢嗟東風妬芳草老屋住桃花身不強藩辱名從小妓誇虛空留幻影磐石此趺跏

食菊花餅同味辛作

摘從鹿眼露猶盈煎付牛酥味更清自謂吾家工說餅豈徒楚客慣餐英圓移月影盤中墮寒挾霜棱舌底生此是詩人纔領

得世間空有縮葱名

集亦有生齋分賦飲中八仙得李白

黃虬蔽日月金馬潛星辰箴規寓樂府謠詠生宮鄰眼看浮雲

荆夢醒長安塵亮非恩禮疎所感骨相屯

西陽雜俎白令高力士脫靴及出上謂力士曰此人固窮相

餘生傍魑魅獨往驂麒麟招來海東色綠瀉壺中春深心豈沉  
涵真氣能彌綸醉筆卓雲漢芙蓉吐嶙峋錦袍被璀璨豈許馮  
夷親浩歌歸去來青山吾故人

十二月十九日坡公生辰集汪靜厓芥室同用公集中

東坡八首韻

嘉蔬天所惜胡爲雜邪蒿讒言織貝錦軋軋機心勞嗟哉黃州  
謫魂幸湯火逃鼎實無由充徒美山雞膏誰知千載名莫能損  
毫毛洗盞爲公壽仰止奎垣高



遠人隨所遭俯仰心自適何用羨侯封廣種千畝栗忍飢歌哨  
遍風雨一瓢乞了此春夢痕得使形骸逸流連文字緣千古同  
一室如彼真一酒滋味咀乃出憂樂任其常夫子曰毋必

憶公關東坡乃在柯山背秉耒腰脚輕髮容猶未艾得閒邀野  
老一席漁樵會眼看時雨過陳根已冒塊獨惜濟時心寥落江  
湖外躬耕亦偶耳十畝營鷄鶩掃除瓦礫中栩栩然生意在惜哉  
歸無田徒慕秋風膾

我友近凋喪晨星稀可數流水無和聲宛轉琴自語忽枉蓬山  
翼雲烟約翩舉辦香長帽翁傳此心一縷萬事口不挂千卷腹  
能挂晨興壓新醅糟牀響疎雨圍爐聚故人芳旨雜樽筮安得  
歲寒盟泣攻伯下土不朽難預期一醉公應許

能壁俯危巖直下江荒荒畫圖嚴在茲不待天際望一次鷗南

飛月落烟莽蒼起視磨蝎宮乃獨臨文昌千秋築詩壘降者爭牽羊何人腰笛吹附之名不忘

我無棟梁姿材豈中斤斲輕裝美蓑笠人頗笑愚憇一趨東華塵如駭左車電脫衣行就功須也稼堪學飄飄膚寸雲落落返靈嶽但得東坡耕何敢計确犂回首

雨露恩薄植叨已渥江神有責言毋負山一角

吾杭食公德卽公甘棠村歸然孤山祠梅竹綠其垣遺民薦蘋藻拜跪如兒孫況余私淑者淵源託蘇門水光百東坡在在精氣存今年長安會花豬薦盤飧明年柑酒筵誰同故鄉論西窗翦蠟天末懷諸昆

黃梅散花影風味交殘年凡鉛不可燒何計營一錢我今困乏食公亦憂無田後先六百年改物同青氈如何紗縠行墮地成

大賢峨眉在天際氣象雄萬千

胡水部咏煥自號雪蕉因得元人雪蕉一幅卽代寫照

屬余賦詩三首

已築巴蕉山還灑巴蕉水堅固如此身冬心常不死

披披茶扇寒曳簌簌漁蓑響聞莫把彈文相詭折腰還笑此君  
一角牆陰破碎餘臨池清興問何如綠天秋老顛師去飛白重  
看聖帝書

題趙味辛尋山卜築圖

置身能在畫圖間此願休疑造物慳鷗鳥與吾盟白水芒鞋隨  
處是青山田園養志寧非樂泉石論心亦可閒岱頂只防催作  
詭詭未教容易片雲還時味辛將少  
寓青州故云

初拜國子監祭酒釋采太學作二首

春風釋褐記扶搏重此承

恩報稱難半世青氈恢故物一簪白髮領儒官丹鉛撫拾槐廳

續

時法時執侍續輯愧應載筆初成

風雨摩挲獵碣看兩字人師吾豈敢諸生努力

本先端

質明行事肅趨蹌松柏陰森夾兩行綿蕞習儀謬博士緇帷望  
拜燎神光金絲節奏虛空合芹藻馨香對越長萬古斯文同照  
被自欣身近聖人傍

瑛夢禪

寶

畫山雨欲來風滿樓詩意吉止齋閣學

綸

索

題

滂然雨意迷林梢雨未到處風爲招風高不仗草木寫空際但  
覺樓搖搖虛窗玲瓏徹八面盡吸涼人生蕭條中間慣借白雲  
住到此脫走如亡逃微留墮雪閃沙鳥遠聽駕浪吟神鼃憑欄

豈無人待雨只防似葉身先飄須臾飛響勢漸急浩浩直挾青  
林潮山頭宛見龍尾挂溪上已有驪珠跳句龍爽筆恣奇妙米  
家墨戲安能塵禿毫敝出荷葉大白紙襯入礬頭高蘊隆蟲蟲  
展且讀早有寒色堂中捎秋心容易感吾輩如絲老鬢吹刁騷

分龍行五月二十日雨後集胡夢湘比部

稷齋中作

雨工匠月深淵藏連脰龜坼苗欲黃阿香伐鼓急徵召驅龍容  
易如驅羊神龍八部同時出濕透青冥轉蕭瑟天上方馳行雨  
符人間預驗分龍曰分龍蕩蕩開龍門龍氣雜沓旌旗翻之而  
鱗爪攫拏快盡挾雲去隨方屯低田易潦宜微液高田苦乾須  
渥澤斟酌田家辛苦心直到豐年纔卸責太倉竊粟吾已多爲  
霖無具嗟奈何當筵空哆談天口舌底惟能卷白波主人置酒  
期消暑酒氣氤氳濃似雨仰空一嘆龍醉歸南北東西迷處所

買春吟屋消夏詠繪事得董羽出水龍圖

凍雲如山陷白日慘慘頑陰天黑漆六月人間無此寒虛堂疑  
有真龍出翻銀裂素三千丈海色空中互摩盪潏洞波濤尺木  
升冥濛雷雨全身上腥風倒捲水底來神光儵忽金鱗開弄珠  
奇戲能教見燒尾雄心不肯灰眼看飛騰在尺咫崢嶸頭角矯  
無比人言大旱年張之雲霧起半空衙衙行有聲草木青回靄  
霖裏一藝之精有如此莫嗤神物是蠱蟲畫者毘陵董啞子

漢官圖集謝薌泉儀部

振定知恥齋作

靈壇夜熱神香請青鳥前頭過無影輻輳飛出紫蘭宮千門萬  
戶生僊風襍襍羽蓋涼漠漠一角欄干銀漢落肉人私語誰聽  
之窗中盼殺偷桃兒回頭十里茂陵烟夢回衰草迷銅仙露華  
替換霜華早瑤島蛾眉泣秋老

積雨三十六韻

浩浩霧迷野蓬蓬雲出門滂沱已匝月蒙密又連番莫補青天  
漏恒愁白日昏簷牙高瀉瀑樓角猛傾盆勢挾殫雷怒聲迴大  
樹喧滿庭環積水窄徑斷窺園丁倒瓜壺架模糊苔蘚痕蟻蚰  
學文字蝌蚪長兒孫書帙香芸焙衣篝石葉燔撤屏遮敗屋移  
榻避頽垣大懼僑將壓頻聞蔡請藩比鄰通四壁上客杜高軒  
草木腥相并江湖冥欲翻排窗駭澎湃伏枕聽潏潏此患幾沈  
竈吾憂且廢殮况傳盧水決倒灌濁流渾禾黍空平野波濤失  
故村壞牆連一哭破家迫羣奔遠氣魚龍混餘哀老穉石騎危  
憐孰拯陷淖亟難掀斷夢全家別孤身一息存泥沙攢死骨燐  
火照生魂枉自占乾鵲何當塞土肫隄防力少縱飄泊手誰援  
飢溺關民命勤劬軫

至尊恭聞

省已詔數納救時言急賑先

頒紓優蠲更

沛恩由來重社稷只在活黎元密挽蒼穹意潛疏積石源甲兵  
塵淨洗蠲稻種滋蕃萬派全趨壑諸軍早罷屯負塗無白跼臥  
隴有烏犍人唱歸田樂余思下澤轅江東堪問米堂北藉栽護  
鐘鼓晴新報純醺約勿緩好圖安輯計努力望翔鸞

六月十二日黃文節公生辰家山會招集藤花吟舍瞻  
禮遺像會者二十四人用公集中六言絕句一首分韻  
賦詩余得俊字

羊腔蠲胥揮不進春波一箸江珧俊辦香今日得禮公手折荷  
花來問訊荷花生日公已生句裏仙風動髮鬣長楸落日試奇



步白眼風塵誤神駿松風獵獵琵琶歌夢去蓬萊飄一瞬宜州

戎州未破荒天遣詩人遭斥擯氣凌虎豹積雄厚語狎龍蛇仗

忠信石牛溪口詩舊題萬鈞可任驅何遜公而不愁俗人惱

州自作寫真頌云頗遺俗人惱公身但惜青山殉西江鼻祖橫一枝千秋誰領詩孫

印山谷詩孫印性未谷以蔭陰清暑盛張筵泰岱長松仰千仞李晞古

畫摹本多睥貌豐容能熟認頓首頓首句其呈曰歸曰歸燭行

燼主人留試雙井茶綠捲微烟上涼鬢

八月二十四日 疏請養母得

旨子歸紀

恩二首

一竿稠疊荷 深恩去冬蒙 恩補授侍讀旋擢左右春坊庶子今年五月特陞國子監祭酒涓滴何從報

至尊敢念微躬永鷁退但思此職念心捫躊躇盧誕人師重漸

愧蕭斯本務敦今日陳情

許將母春風早已到庭護

秋水帆飛去肯遲家鄉早已計歸期傳來母語貧何患感極

君恩涕不知製芟裁莎仍驚侶撈魚劇筭卽烏私循陔待說

朝廷意同炷爐香答

聖慈

### 石門道中

蕭蕭野水繞迴塘景物吾尤愛近鄉落日幾舟藏敗葦知風一路看枯桑年豐早辦公家稅歲晚閒塗小婦粧婚嫁朱陳容易堪此閒真合置茅堂

### 味莊觀察招集梅花書屋看黃梅花二首

惆悵銅街折贈時殘年重與素心期冷峰相抱影同瘦新月乍

生香獨知客到官  
醉開密甕夢回清  
磬閣橫枝縞衣正  
怕能欺得禁架新  
寒欲放暉

別自真香味外傳  
已交三九小寒天  
南風記送千家雨  
壞衲來參五祖禪  
嚼蠟心如吾輩淡  
塗樵比內家妍  
一枝欲乞西湖  
寄好配寒泉  
薦水仙